



Republic of the Philippines  
**Department of Education**  
REGION IV- A CALABARZON  
CITY SCHOOLS DIVISION OF THE CITY OF TAYABAS

30 Hulyo 2025


**MEMORANDUM PANSANGAY**

Blg. 507 s. 2025

**PAGDIRIWANG NG BUWAN NG WIKANG PAMBANSA 2025**

Sa mga: Kawaksing Tagapamanihala ng mga Paaralan  
Hepe ng CID at SGOD  
Tagamasid Pansangay  
Pinuno ng Paaralang Pampubliko

1. Alinsunod sa itinakdang **Pampanguluhang Proklamasyon Bilang 1041 s. 1997**, ang Buwan ng Wikang Pambansa ay ipagdiriwang tuwing **Agosto 1 – 31 ng bawat taon** sa pangunguna ng Komisyon sa Wikang Filipino (KWF). Ang Sangay ng Dibisyon ng Lungsod ng Tayabas, sa pamamagitan ng Sangay ng Pamamahala ng Kurikulum at Pagkatuto, ay nakikiisa sa taunang pagdiriwang ng Buwan ng Wikang Pambansa 2025 na may temang **“PAGLINANG SA FILIPINO AT KATUTUBONG WIKA: MAKASAYSAYAN SA PAGKAKAISA NG BANSA”**.
2. Bilang pakikiisa ng Sangay ng Lungsod ng Tayabas sa pagdiriwang ng Buwan ng Wika 2025, hinihikayat ang lahat ng paaralan na isakatuparan ang payak at makahulugang pagbubukas ng pagdiriwang na maaaring isagawa kaalinsabay ng pagtataas ng watawat sa unang Lunes ng buwan ng Agosto 2025. Gayundin, hinihikayat ang mga Tagapamanihala, Kawani, Guro at mag-aaral na manamit ng kasuotang Pilipino o Filipiniana tuwing araw ng Lunes sa buong buwan ng Agosto 2025.
3. Kalakip nito ang Panrehiyunal na Memorandum Blg. 566 s. 2025, “PAGDIRIWANG NG BUWAN NG WIKANG PAMBANSA 2025”, bilang pamatnubay sa Lingguhang Tema at mga gawin sa buong buwan ng Agosto 2025. Maaaring isumite ng bawat paaralan ang panapos na ulat (Isang pahinang balita) sa link na ito <https://tinyurl.com/2025BW-Ulat> sa bago matapos ang unang linggo ng Oktubre 2025.
4. Para sa iba pang detalye at impormasyon, maaaring makipag-ugnayan sa Sangay ng Pamamahala ng Kurikulum at Pagkatuto sa telepono blg. (042) 785-9615 lokal 107.
5. Hinihiling ang maagap at malawakang pagpapalaganap ng Memorandum na nito.

  
**CELEDONIO B. BALDERAS JR.**  
Tagapamanihala ng mga Paaralan

Encl.: As stated


References: Panrelihiyon na Memorandum Blg. 566 s. 2025

To be indicated in the Perpetual Index  
under the following subjects:

BUWAN NG WIKA 2025

CID- pagdiriwang ng buwan ng wikang pambansa 2025  
CIDNR7RA-001991 /Hulyo 30, 2025





Republika ng Pilipinas  
**Kagawaran ng Edukasyon**  
REHIYON IV-A CALABARZON

28 Hulyo 2025

**Panrehiyunal na Memorandum**  
Blg. 566 s.2025

**PAGDIRIWANG NG BUWAN NG WIKANG PAMBANSA 2025**

Sa **Tagapamanihala ng mga Paaralang Pansangay**

1. Ang Kagawaran ng Edukasyon Rehiyon IV-A CALABARZON, sa pamamagitan ng Sangay sa Pamamahala ng Kurikulum at Pagkatuto, ay nakikiisa sa taunang pagdiriwang ng **Buwan ng Wikang Pambansa 2025** na may temang **"PAGLINANG SA FILIPINO AT KATUTUBONG WIKA: MAKASAYSAYAN SA PAGKAKAISA NG BANSA"**, alinsunod sa itinakdang Pampanguluhang Proklamasyon Bilang. 1041 s. 1997 at sa pangunguna ng Komisyon sa Wikang Filipino (KWF).
2. Layunin ng pagdiriwang ng Buwan ng Wika ang sumusunod:
  - a. Ganap na maipatupad ang Pampanguluhang Proklamasyon Blg. 1041;
  - b. Maiangat ang kamalayan ng mga mamamayang Pilipino ukol sa wika at kasaysayan nitó;
  - c. Mahikayat ang iba't ibang ahensiyang pampamahalaan at pampribado na makiisa sa mga programang tulad nitó na nagpapataas ng kamalayang pangwika at sibiko;
  - d. Maganyak ang mga mamamayang Pilipino na pahalagahan ang mga wika ng Pilipinas sa pamamagitan ng aktibong pakikilahok sa mga gawain kaugnay ng Buwan ng Wikang Pambansa; at
  - e. Maipakilala sa mga mamamayang Pilipino ang KWF bilang ahensiya ng pamahalaan na nangangalaga sa mga wika ng Pilipinas sa pamamagitan ng mga programang pangwika nitó.
3. Samantala, narito ang sumusunod na Lingguhang Tema para sa buong buwan ng Agosto 2025:

| Linggo | Petsa        | Paksa                                                                          |
|--------|--------------|--------------------------------------------------------------------------------|
| 1      | Agosto 1-7   | Wikang Pangkasarian                                                            |
| 2      | Agosto 8-14  | Gampanin ng Filipino Sign Language (FSL) sa Pagbabago ng Klima                 |
| 3      | Agosto 15-21 | Pagtataguyod ng Literasi sa Wikang Filipino: Hakbang Tungo sa Maunlad na Buhay |
| 4      | Agosto 22-28 | Wika ng Kasaysayan, Kasaysayan ng Wika: Pagkakaisa sa Pagkakaiba               |
| 5      | Agosto 29-31 | Filipino at Wikang Katutubo: Wika ng Malayang Pamamahayag                      |



Address: Gate 2, Karangalan Village, Cainta, Rizal  
Telephone No.: 02-8682-2114  
Email Address: region4a@deped.gov.ph  
Website: depedcalabarzon.ph



Certificate No. PHP QMS  
22 93 0085

4. Hinihikayat na ang lahat ng Tanggapan at Paaralan ng Kagawaran ng Edukasyon – Rehiyon CALABARZON ay makibahagi sa pagdiriwang sa pamamagitan ng paggamit ng wikang Filipino sa mga ugnayang pulong, programa, at iba pang opisyal na gawain sa buong buwan ng Agosto. Kabilang din sa mga mungkahing aktibidad ang pagpapakinig ng mga awiting bayan at pagsasagawa ng mga gawaing pangwika at pangkultura gaya ng talakayang pampanitikan, paligsahan sa pagsulat at pagbigkas, at iba pang kaugnay na aktibidad na nagpapalalim ng pagpapahalaga sa ating wika at kultura.
5. Inaasahan din na ang bawat sangay ay magkakaroon ng gawaing naaayon lamang sa kanilang preperensya at lokal na konteksto. Hindi pinahihintulutan ang magarbong paggastos, paniningil sa mga mag-aaral, o pag-aabono ng mga guro para sa mga aktibidad na may kaugnayan sa selebrasyon.
6. Hinihikayat din ang lahat ng tanggapan at paaralan na iulat at idokumento ang kanilang mga gawain at ibahagi ito sa opisyal na platform ng kanilang paaralan o dibisyon gamit ang *hashtags*: #BuwanNgWika2025 #FilipinoSaCalabarzon
7. Ang opisyal na poster ng pagdiriwang mula sa Komisyon sa Wikang Filipino (KWF) ay maaaring i-download sa link na ito: <https://tinyurl.com/BW2025CALABARZON>
8. Pára sa iba pang detalye at impormasyon, maaaring makipag-ugnayan sa Sangay sa Pamamahala ng Kurikulum at Pagkatuto sa telepono blg. (02) 8681-7249 lokal 420.
9. Hinihiling ang maagap at malawakang pagpapalaganap ng Memorandum na ito.

  
**ATTY. ALBERTO T. ESCOBARTE, CESO II**  
Panrehiyong Direktor 